



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-507-3/24**

Datum: **09.12.2024. godine**

«Agencija za vodno područje rijeke Save» Sarajevo rješavajući po zahtjevu Investitora BOŠNJAKOVIĆ ALDIN iz Zavidovića za izdavanje prethodne vodne saglasnosti za ispuštanje tehnoloških otpadnih voda iz objekta autopraonice u naselju Činovići, Grad Zavidovići, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99, 61/22), **donosi**

RJEŠENJE

1. Odbija se zahtjev Investitora BOŠNJAKOVIĆ ALDIN iz Zavidovića za izdavanje prethodne vodne saglasnosti za ispuštanje tehnoloških otpadnih voda iz objekta autopraonice u naselju Činovići, planirane za izgradnju na zemljištu označenom kao k.č. broj: 2415 K.O Činovići, Grad Zavidovići, kao neosnovan.

Obrazloženje

Investitor BOŠNJAKOVIĆ ALDIN iz Zavidovića obratio se zahtjevom za izdavanje prethodne vodne saglasnosti za ispuštanje tehnoloških otpadnih voda iz objekta autopraonice u naselju Činovići, planirane za izgradnju na zemljištu označenom kao k.č. broj: 2415 K.O Činovići, Grad Zavidovići.

Uz zahtjev je dostavljena sljedeća dokumentacija:

- Ovjerena kopija lične karte;
- Kopija katastarskog plana, razmjera 1:1000, broj plana 7., UR broj: 06/6-30-3682/2024-1 od 25.09.godine izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Zemljišno-knjižni izvadak broj: 042-0-NAR-24-002181, zk. uložak broj: 1926 K.O. Činovići izdato od Općinski sud u Zavidovićima;
- Izvod iz posjedovnog lista broj:1532, broj: 06/6-30-3341/24-2 od 20.08.2024. godine izdato od Službe za upravu i geodetskih, imovinsko-pravnih poslova i urbanizma, Grad Zavidovići;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju a kroz Informacioni sistem voda-ISV utvrđeno je da se predmetna parcela k.č. 2415 u potpunosti nalazi u vodnom dobru uz vodotok I kategorije i da je dio predmetne parcele ugrožen poplavama ranga pojave 1/100.

- Rijeka Krivaja, odnosno njen dio toka u Federaciji BiH, zbog značaja koji ima za upravljanje vodama u skladu sa članom 5. Zakona o vodama («Službene novine Federacije BiH», broj 70/06), pripada vodotocima I kategorije za čije upravljanje, kao i zemljišnim česticama uz ove vodotoke koje pripadaju vodnom dobru član 7. Zakona o vodama, nadležna je Agencija za vodno područje rijeke Save" Sarajevo.
- Na vodnom dobru je zabranjeno izvoditi zahvate osim onih kojih su navedeni članom 12. Zakona o vodama.
- Na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte, a koje su pobrojane u članu 96. Zakona o vodama.
- Uvidom u Informacioni sistem voda- ISV Agencije utvrđeno je da se predmetna zemljišna čestica označena kao k.č. broj: 2415 u potpunosti nalazi unutar granice vodnog dobra i tu nije dozvoljeno izvoditi zahvate osim onih koji su navedeni u članu 12. Zakona o vodama.
- Također, uvidom u Informacioni sistem-ISV utvrđeno je da je predmetna zemljišna čestica označena kao k.č. broj:2415 dijelom ugrožena poplavama ranga pojave 1/100 te za taj dio predmetne zemljišne čestice u ovom slučaju važe i zabrane iz člana 96. stav 1. tačka 16. Zakona o vodama.

- Prema članu 96. stav (1) Zakona o vodama, na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte a naročito, prema tački 16. istog člana, podizati zgrade i druge objekte koji ne služe odbrani od poplava i koji sprečavaju prilaz vodotoku na udaljenosti manjoj od 10m od linije dopiranja velikih stogodišnjih voda za sve površinske vode izuzev ako je vlasniku ili korisniku uvjetovana izgradnja objekta prethodnim preduzimanjem zaštitnih mjera kojima se onemogućuju ili smanjuju štetne posljedice od voda. Ovo izuzeće se ne odnosi na zemljišne čestice i objekte u istim područjima koji se nalaze u pojasu vodnog dobra i za koje važe zabrane gradnje.

U skladu sa gore navedenim, izdavanje bilo kakve saglasnosti bilo bi u suprotnosti sa odredbama Zakona o vodama («Službene novine Federacije BiH», broj: 70/06), s toga je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- BOŠNJAKOVIĆ ALDIN
Ul. Činovići bb, Zavidovići
- ⊗ AVP, ISV – Vodna knjiga
- Sektor 40, arhiva
- Oglasna ploča, AVP Sava